



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1858**

CDLVIII. Henning von Bismark verkauft dem Pfarrer des Großen h. Geistes zu Stendal Hebungen aus verschiedenen Ortschaften wiederkäuflich, am 6. November 1488.

---

---

**Nutzungsbedingungen**

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

CDLVIII. Henning von Bismark verkauft dem Pfarrer des Großen h. Geistes zu Stendal  
Gebirgen aus verschiedenen Drijschaften wiederkäuflich, am 6. November 1488.

Ik hennyngk van Bismarke, wonachtich to Borghstall, Bekenne —, Dath ik hebbe myt fulbort myner eruen, nomliken mynes Broders Heydens vnnnd myner seddern Guntter, ludeleff, jurgen, pantaleon, vorkofft hebbe vnnnd vorkope Herrn Curt Kowlitzen, perner des Groten hilghen ghesies to Stendall to der tid, vnnnd dem hebber dusses breues myt synen guden willen Achte schepel rogghen to lutke swartelofzen auer Steffen fughedes hoff vnnnd houen vnnnd auer alle tobohoringhe des haues vnnnd der houen, Item to Steghelitzce auer twe haue, Sunderken auer mewes sagedes hoff Sofz schepel rogghen vnnnd auer kersten swartelofzes hoff Sofz schepel roggen vnnnd auer alle tobohoringhe der twier haue vnde der Houen, de dar jnn syn, Auer wische, holte, hofslaghe, wo mhen de tobohoringhen benomen magh. Weret sake, dadt de houen van den vpgnanten mennen worden vpghesecht, so dadt ize bynnen jares nicht worden anghenamen, dadt her Curt den pacht dar van nicht bekamen kan efft de hebber dusses briues, So schal ik effte myne eruen hern Curd effte deme hebber desszes breues wifen an wifen pechten, dadt ize to den ohren kamen. Item to Vethen auer Olde Claws genders hoff vnnnd houen sofz schepel rogghen, Item auer merten grothehans hoff darfuluest to vethen Neghen schepel roggen vnnnd der houen vnnnd auer alle tobohoringhe der twier houe vnde der houen an Hoffslaghe, an wischen vnnnd an holte. Item to Mestorp auer Claws schulten hoff vnnnd houen vnnnd auer alle tobohoringhe des haues vnnnd der houen viff virte weyten, Eyn virt erweten; Item to Buntfelde Teyn schillinghe penninghe auer de hauewilk, de hern Curt manen schal van den ghennen, de de wilk wynnen vnnnd in der wer hebben. Hir vor hefft myk hern Curt kowlitzen bereydet vnnnd auer gegeuen in eyner summen Virtich fulwichtige gude rinsche gulden, den gulden vor Eynvndtwintich stendelsche schillinghe, vnnnd veer penninghe, de yn myn vnnnd myner eruen nudt vnnnd framen ghekeret synt etc. — Ok hefft hern Curt beholden de macht, dadt he will medeweceboren de halue renthe, Nomliken to Steghelitzce auer de beyde houe eynen haluen wispel vnnnd to lutkeswartelofzen achte schepel, to mestorp V firth weyten, to Buntfelde de teyn schilling, vnnnd wenn ik hennyngk van Bismarke effte myne eruen sozodan pechte wedder afkopen willen, schullen sozodann vormelte pechte hern Curde effte dem hebber dusses breues to rughen gan, Sunder vesteyn schepel to vethen schullen ize barn allene vnnnd die vorfeten renthe van dussen allen vorgnanten: vnd ik hennyngk van Bismark sette hern Curde effte den hebber dusses breues in de were vnnnd ik vnnnd myne eruen willen en des gud eyn recht ghewere syn vor alle ansprake, wo vaken en des nodt vnnnd behoff is. Alle dusse vorfereuen stücke vnnnd artikele laue ik hennyngk van Bismarke vnnnd heynden, Guntter, ludeleff, Jürgen, Pantaleon vor vnz vnnnd vnse rechten eruen, like sakeweldich, sul vnnnd al toholdende, sunder yennigleye losaghe. Dusses to tuggnisse hebben wy hennigk, heyden, Guntter, ludeleff van Bismarke vor vnz vnnnd vnse eruen Eyn yewelk syn Ingheseghel laten henghen wylken nedden an dussen apen briff. Geuen vnnnd screuen na Cristli bort dusent veerhundert, dar na in dem Achtevndeachtigsten jare, Am donrsdaghe vor Martini.

Nach dem Original im Pfarrarchiv der Marienkirche No. 41.